

der wesen scolde, van dere weghene dat dat dorp ghemaket was to eneme hove. Sentem male dat de hof nu weder en dorp worden is, so bekenne we deme hove ichte deme dorpe ses echtwarde in deme Stenwede wolde mit vulborde aller holten, de darto horet. Of scal dat dorp eder de hof holtrecht liden unde don van den ses echtwarden. Uppe dat desse voresprokenen echtwarde sesse nicht vergheten newerden, so hebbe we deme clostere to Middageshusen dessen bref bescreven unde gheven beseghelet mit usen ingheseghelen. Dit is gheschen na goddes hert duzent jar unde drehundert des achten-dritteghesten jares an sente Lucien daghe.

Nach dem Orig. auf Perg. mit den Siegeln der Aussteller an Pergamentstreifen im Stadtarchiv zu Hildesheim (n. 2250).

5. Tanzordnung des Rathes zu Northeim.

[Erste Hälfte saec. XV.]

Mitgetheilt von demselben.

Albus is unse gnedige juncher unde de rad enu geworden, wu me dat holden scal umme den danz.

To deme ersten so schullen frome unberochtigede fruwen unde frome unberochtygede megede up enu liden gån sitten unde stån uppe dat kophus, alse nemeliken an der liden to der molen wert, unde dar entschullen neyne berochtigeden fruwen eder megede mangf gån eder sitten. Denden se dat dar enboven, den scalme gheven enu mál mit tere unde se hõnlyken von deme kophus wysen.

Of so entschullen neyne menre noch knechte mangf de fruwen eder megede sitten, gån eder stån, wan se nicht an deme danze gån. Welk man eder knecht dat dar enboven dende de scholde unseme gnedigen junchern unde deme rade vorvallen syn mit ennem halben ferdinge unde des enwolde me neymande lós laten.

Of welk man eder knecht bovede eder bovernye dreven uppe deme kophus de scholde breken in des rades gnade darna, dat he de bovernye dreve unde dende.

Of so scal enu jowelk borger syne knechte unde kindere vor-mogen, dat se neyne bovernye uppe deme kophus endryven. We dat dar enboven dende deme wil de rad sturen laten unde sulven sturen unde wat den knechten eder kinderen dar von wederstunde dar entscholdeme neymande to antworten.

Of so enschal neyn berochtyget fruwe eder maghet vor frome fruwen unde megede an den danz gån. We dat dar enboven dende deme scholdemen enu tenken gheven ud deme smereimmere unde se hõnlyken von deme danze unde kophus wysen.

Item so entschullen neyne menre eder knechte mekere dragen uppe deme kophus eder of in der stat, dede lenger syn wen enner